



XUNTA DE GALICIA

CONSELLERÍA DE
CULTURA E TURISMO

Dirección Xeral de Políticas Culturais

Cidade da Cultura
Monte Gaias s/n
15707 Santiago de
Compostela



MEMORIA XUSTIFICATIVA DO CONVENIO DE COLABORACIÓN ENTRE A CONSELLERÍA DE CULTURA E TURISMO, E A ASOCIACIÓN GALEGA DE EDITORAS (AGE), PARA 2020

A Consellería de Cultura e Turismo, dentro do ámbito competencial que a Xunta de Galicia ten atribuído en materia de fomento da cultura, vén realizando dende anos atrás unha serie de actuacións encamiñadas á divulgación, información e promoción do libro e a lectura, para achegar o máximo posible o noso patrimonio cultural á sociedade en xeral.

A Asociación Galega de Editoras vén desenvolvendo un labor de continuidade no campo da promoción e difusión da cultura, entre as súas actuacións está a da promoción da literatura e do libro galego, co obxectivo de dar a coñecer a produción literaria e editorial galega dentro e fóra da nosa Comunidade e, para seguir nesta vía, precisa de colaboracións institucionais ao non contar cos medios suficientes que garantan a consecución dos fins.

A Asociación Galega de Editores está constituída por trinta e seis editoriais asociadas que representan á gran maioría do sector vencellado á produción do libro galego como elemento de valor cultural e económico e constitúe o vehículo de expresión natural para as persoas con actividade profesional ligada á escrita de creación, de investigación e de pensamento. Así mesmo ten a finalidade fundamental de manter e desenvolver un espazo para o libro galego dentro e fóra de Galicia. A ampliación de mercados, a presenza ante públicos diversos, a compra e venda de dereitos e os intercambios de produtos nas grandes citas editoriais do mundo constitúen a base de actuación da AGE, nunha estrutura organizativa que permite rendibilizar moi considerablemente o labor das entidades asociadas na creación dunha imaxe e dunha marca de calidade que identifiquen ao libro galego no mundo.

É obxecto deste convenio a colaboración coa Asociación Galega de Editoras para o mantemento da asociación e para sufragar os gastos correntes derivados da realización das seguintes actividades:



Xacobeo 2021





XUNTA DE GALICIA

CONSELLERÍA DE
CULTURA E TURISMO

Dirección Xeral de Políticas Culturais

Cidade da Cultura
Monte Gaias s/n
15707 Santiago de
Compostela



1.- Asistencia e participación en feiras profesionais. - Feira LIBER.

A asistencia e participación nas feiras internacionais do libro son unha das actividades anuais que para a AGE resultan fundamentais para dar a coñecer a produción galega no exterior. Este ano a situación sanitaria de pandemia colectiva, impediu a asistencia ás mesmas, optando pola asistencia unicamente á LIBER. A Asociación deseñará material promocional (directorios, bolsas, marcapáxinas...) e catálogos propios para favorecer o traballo da AGE e das empresas asociadas.

No mes de outubro ten lugar a feira LIBER, do 7 ao 9, promovida pola Federación de Gremios de Editores de España e organizada por Fira Barcelona, que acada en 2020 a trixésimo oitava edición. A AGE estará representada nesta feira pola secretaria técnica do gremio e está previsto que á feira se desprace unha delegación de 8 editoras asociadas

2.- Simposio O Libro e A Lectura 2020

A nova edición *O Simposio: o libro e a lectura* celebrarase con toda probabilidade no mes de setembro de 2020. O Simposio véñse desenvolvendo ininterrompidamente dende hai 16 anos, nesta edición, ademais da colaboración da Consellería de Cultura da Xunta contará coa colaboración da Concellería de Educación do Concello de Santiago de Compostela (co pagamento directo a provedores). É unha das actividades culturais máis relevantes das que celebra o sector en Galicia, tanto polo público profesional inscrito como pola categoría dos profesionais, moitos deles o ámbito internacional, que participaron nas 16 edicións xa celebradas.

4.- Xornadas venda de dereitos para a participación nas feiras

A situación actual provocada pola COVID-19, o sector editorial e as asociadas á AGE deberán buscar novas vías de saída a esta grave crise. Este ano a Asociación Galega de Editoras volverá ofrecer ás súas asociadas xornadas profesionais e formación específica



Xacobeo 2021





XUNTA DE GALICIA

CONSELLERÍA DE
CULTURA E TURISMO

Dirección Xeral de Políticas Culturais

Cidade da Cultura
Monte Gaias s/n
15707 Santiago de
Compostela



previsiblemente impartida en liña, para buscar novas opcións e novos mercados para obter mellores estratexias e máis rendemento do investimento que supón abrirse a novos mercados. A crise sanitaria actual provocou que as empresas editoras busquen novas estratexias de internacionalización. A compravenda de dereitos resultará fundamental para a supervivencia dalgunhas casas editoriais nun futuro próximo.

5.- Culturgal

A Feira das Industrias Culturais de Galicia – CULTURGAL, celebra un ano máis outra edición, en Pontevedra, entre o 28 e o 30 de novembro. A Feira naceu hai anos froito da vontade da AGE e a colaboración con outras asociacións profesionais. As empresas editoriais galegas participan de forma activa e desenvolven múltiples accións de promoción: mesas redondas, presentacións de libros, foros de debate... e, por suposto, presentación das súas novidades editoriais nos respectivos stands e no da Asociación Galega de Editoras.

6.- Mantemento da asociación galega de editoras

A Asociación Galega de Editoras distribúe os gastos de mantemento da entidade fundamentalmente en:

7.- Cotas Federación de Gremios de Editores de España

A Asociación Galega de Editoras pertence á Federación de Gremios de Editores de España (FGEE), unha asociación profesional de dereito privado creada en 1978 para a representación e defensa dos intereses xerais do sector editorial español. Estar federada supónlle á AGE un gasto importante, cunha achega de 9.345,00 euros anuais distribuídas trimestralmente en cotas de 2336,25 euros.



Xacobeo 2021





XUNTA DE GALICIA

CONSELLERÍA DE
CULTURA E TURISMO

Dirección Xeral de Políticas Culturais

Cidade da Cultura
Monte Gaias s/n
15707 Santiago de
Compostela



8.- Secretaría técnica e directiva da AGE

A Asociación Galega de Editoras conta desde outubro de 2016 con novas instalacións para dar un servizo puntual ás empresas asociadas. A maiores contratouse unha secretaria técnica co fin de dar cobertura ás necesidades da propia Asociación. Esta nova situación incrementou os gastos da AGE, tanto os fixos (mantemento do local e salario) como os variables (desprazamentos da secretaria e/ou de membros da directiva a feiras internacionais, reunións periódicas na Federación de Gremios de Editores de España e CEDRO, congresos e eventos doutros gremios etc...), condicións mínimas e imprescindibles para que a AGE poida vertebrar ao sector editorial galego.

A secretaria técnica acude habitualmente ás feiras internacionais en representación do gremio e das editoras asociadas co cometido de ofrecer información de calidade aos profesionais do sector que a solicitan –axentes literarios, editores estranxeiros e/ou distribuidores–; comunicación e difusión da axenda das editoras asociadas desprazadas e apoio nas súas actividades; participación nas actividades das editoras asociadas e/ou do sector, que poidan ser de interese ademais da elaboración dun informe interno do desenvolvemento das feiras.

Tanto a secretaria técnica como a executiva da AGE, principalmente o presidente da Asociación, son convocados anualmente a xuntanzas na Federación de Gremios de Editores de España e a CEDRO. A Federación celebra arredor de 3 ou 4 xuntanzas de secretarios/as na súa sede, ao ano e a entidade CEDRO celebra unha xuntanza anual coas entidades e autoría asociadas. A Asociación Galega de Editoras está representada nesta xuntanza pola secretaria técnica.

O presidente da AGE, pola súa parte, debe desprazarse á sede da Federación para asistir ás asembleas xerais da FGEE que se celebran anualmente, aproximadamente unha cada trimestre.

A secretaria técnica e o presidente da AGE (ou, na súa ausencia o vicepresidente) participan en congresos, conferencias e/ou encontros e actividades que convocan os demais gremios do Estado que son de interese para o noso sector.

A Consellería de Cultura e Turismo ten especial interese en levar a cabo este convenio co obxectivo de axudar e promover a profesionalización do sector, xa que a AGE leva a cabo actividades for-



Xacobeo 2021





XUNTA DE GALICIA

CONSELLERÍA DE
CULTURA E TURISMO

Dirección Xeral de Políticas Culturais

Cidade da Cultura
Monte Gaias s/n
15707 Santiago de
Compostela



mativas que abordarán os aspectos máis salientables do ámbito produtivo e comercializador: dixitalización, comercialización on line, plataformas de distribución, ferramentas e aplicacións que optimizan a xestión da cadea de valor do libro, etc., constituíndo un apoio fundamental para o sector diante dos novos retos impostos pola dixitalización e as novas tecnoloxías da información.

A Consellería de Cultura e Turismo comprométese a entregarlle á Asociación Galega de Editoras a cantidade de Quince mil euros (15.000 €), como contribución para os gastos de funcionamento da asociación e para a realización das actividades de promoción e consolidación do sector do libro no ano 2020 que se desenvolverán dentro do ámbito de vixencia do presente convenio. Esta cantidade librarase con cargo ás seguintes aplicacións orzamentarias, dos orzamentos xerais da Comunidade Autónoma para o ano 2020, co código de proxecto 201500372:

-11.20.432B.481.2: 5.000 €

-11.20.432B.781.1: 10.000 €

De acordo coa planificación estratéxica realizada pola Dirección Xeral de Políticas Culturais para o ano 2020, e dada a especificidade e exclusividade das actividades a realizar baseadas en criterios obxectivos, así como o interese social das mesmas, a sinatura deste convenio encádrase, nos que non é posible promover a concorrência, polas especiais características da entidade coa que se convenia, sendo a Asociación Galega de Editoras a única que pode desenvolver na nosa comunidade autónoma as ditas actividades.

Santiago de Compostela,

O director xeral de Políticas Culturais

Anxo Manuel Lorenzo Suárez



Xacobeo 2021

